

الرشاد

سردار (۱۳۳۰) ۱۳۳۰

اتبعون اهدكم سبيل الرشاد

والله يهدي من يشاء الى صراط مستقيم ديني، علمي، ادبي، سياسي هفتلق مجموعة اسلاميه در

صاحب و مدير مسئول : ح . اشرف اديب

جلد ۱-۸

۳۱ مایس ۱۳۲۸

پنجشنبه

۲۷ جمادی الاخر ۱۳۳۰

عدد ۱۵-۱۹۷

اسرائیلی اراضی سنی سوررلر وسائر خدمات شاقہ شدہ استخدام اولنوردی . بنی اسرائیل کنڈیلرینی - بوتدر اقوامی دائرہ اطاعتہ آلمش اولدیلرندن دولایی - بر صرتیہ ممتازہ شدہ عد ابلہ دکرنندن اسرایہ مخصوص اولان خدمات سفلیہ ایلہ اشتغالی حیثیت وشرفلرینہ بر لیکہ عد ایلرلردی . بنی اسرائیلک مشغول اولدقیری باشلیجه ایشلر ، سلاح تعلیملری ، عسکری ادماتلر ، بارکیر و حرب عربلرینی قوللائق ایدی . کنعانیلر علی اللوام چالیشدیریلر ویا لکنر بونلرک ایقای وظیفہ ایتهلرینہ نظارت ایچین ۶۰۰ مفتحس استخدام اولنوردی . [۱]

حضرت سلیمان ۴۰ سنہ حکمفرما اولدقندن سوکره وفات ایتمش وآنک وفاتیله یہودی قرالیتک شوکت واحتشاشی ده سونوب کیتمش در .

سکرنجی باب

بنی اسرائیل و یہودا حکومتلری

حضرت سلیمانک یرینہ اوغلی (رحبام) مقام سلطنتہ کچمش ایدی . لکن بو کنج طرفندن اہالینک کنڈیسینہ کوندردیکی ہیئت مرخصیہ ویریلن دوشونجه سزجه بر جواب اوزرینہ اسباط اسرائیلیہ دن اونی متفقاً اعلان عصیان ایدوب (بروہام) اسمندہ بریسی تختہ چیقاردیلر . حضرت سلیمانک اوغلی (قدس) فرارہ مجبور اولدی ؛ عاصی قبائل (رحبام) ک تحصیلدارینی دخی طاشہ طوتوزق قتل ایتشلردی . یالکنر یہوداسیطی ایلہ بنیامن سیطی (رحبام) ک اطاعتندہ قالدیلر . ایشته بولہجه یہودیلر آرسندہ کی اتحاد ملی عمواملش بولندیفندن بوندن سوکرا بونلرک وقایعی بری یہودی ، دیکری بنی اسرائیل قرالیتلری تسمیہ اولنان ایکی حکومت تاریخندہ تعقیب ایتکلکمز لازم کلیر .

(رحبام) یوزسکسان بیک کشیدن عبارت براردو جمع ابدہرک عاصی اولان اون قبیلہ بنی اسرائیلہ قارشى حربہ کیریشمک فکرینہ دوشمش ایسہدہ اشمیا پیغمبرک مداخلہ سی ایلہ بوتشبت برمدت ایچین کری قالمش ، (رحبام) کندی ممالکینی تحکم ایلہ اشتغال ایلہ مش در . (رحبام) ۱۷ سنہ حکومت ایتدکن سوکره یرینہ اوغلی (آبیجا) چبقمش ، براز سوکره شدہ اسرائیلیہ قرالی بوبوک براردو ایلہ آنک علیہنہ حرکت ایتشدر . ایکی حکومت اردوسی (افرام) جبلی جوازندہ بربرنہ مصادف اولدیلر .

« یہودیہ حکمداری آیتانک معیندہ ۴۰۰،۰۰۰ کشی عساکر جسورہ دن مرکب برقوت واردی . (بروہام) کدہ آنک قارشیسینہ قوبدینی ہپی جنک آور ۸۰۰،۰۰۰ کشی ایدی . » « اسرائیل اوغللری بنی یہودا اوکندن قاچدیلر ؛ جناب حق آنلری (اسرائیلیلری) بنی یہودانک ائینہ تسلیم ایدی . آبیجا ایلہ معینی آنلردن برچوق کشی قتل ایتدیلر . اسرائیلیہ دن ۵۰۰،۰۰۰ بیک منتخب جنک آور دوشدی . [۲] » بو مظفریت عظیمہ فی تعریف صدندہ (ژوزہ فوس) دیرکہ : « یہودیہ لیلر اشارت ویریلنجه بہ قدر دعایہ وقف نفس ایتدیلر ؛ اشارت ویریلنجه بلند آواز ایلہ دشمنہ هجوم ایدوب آنلری مغلوب ایلہ دیلر ونہ یونان ، نہ انوام وحشیہ تاریخلرندہ کورلہ مش صورت مدہشہدہ جوق آدم قتل ایتدیلر . (بتل) و (ایدن) واک آبی تحکم ایدلش شہرلری ضبط ویاغما اولندی . . . [۳] »

درت سنہلک قیصہ بردورہ حکومتدن سوکره آبیجا وفات ایدی . یرینہ اوغلی (آسا) کلدی ؛ بوصاحب عقل و دیندار ؛ حکمدار اولوب « کرک دینیات و کرک اخلاقیاتندہ تمامیلہ اوامر الہیہ کورہ حرکت ایدی .

[۱] (ژوزہ فوس) سکرنجی کتاب — ایکنجی باب)

[۲] قرونیقل - ۲ (یعنی تاریخ بنی اسرائیل ۱۳ نجی باب - ۳ نجی .

۱۶ نجی و ۱۷ نجی فقرہ لر .

[۳] (ژوزہ فوس - سکرنجی کتاب - ۵ نجی باب)

لامارتین - عثمانیلر نامنہ یازدینی - تاریخنک برنجی جلدینک اللنجی صحیفہ سندہ مهم بربحث فلسفی آچیور . کنڈینہ خاص آتشین برخامہ بیان ایلہ سویلدیکی سوزلرک قارشیسیندہ شوق ہم افتخار ایدیور ؛ ہمہ کریتہ تأثر دوکیور .

« الفضل ماشہت بہ الاعداء »

حقیقت ! انسان ایچین منسوب اولدینی ملتک بویوکلکنی ، معتقدی بولوندینی دینک قدسیتی خصمنک لسانندن دیکلہ مک ، قلمندن او قومق قدر برحظ عظیم ، برذوق نعیم تصور اولوناماز . سنک خزینہ لر دکر بر جوهرک اولسہ فقط قیمتتی بیلمیور ؛ عادی بر چاقیل طاشندن عبارت ظن ایدیورسک ؛ برده اوتہ دن بر قیمت شناس چیقوبدہ الکنہ کی اوجوهرک میایونلر ، ملیارلر دکرندہ اولدینگی سویلسہ نصلسک ؛ جوهر یالکنر مادیمی اولور ؛ قیمت یالکنر مادیاتہ می منحصر ، اصل قیمت معنویتک در . چونکہ مادیاتک شرفی معنویات ایلہ قائم در . مادہ قوتلہ یاشار .

سنک قیتک معنویتکلہ در ، روحکلہ در دکلی ؟

لامارتینک برقاچ صحیفہ سورن بوبحشی حرفیاً ترجمہ ونقلہ حاجت یوقدر . ایستین او صحیفہ لری او قور . بن بورادہ مشارالہک اعترافات حق کویانہ سنی شورقاچ سوزلہ آکلامغہ چالیشاجم .

محمد فخرالدین

تفہیم

قیلیج دینی

یدنجی باب

حضرت سلیمان

حضرت سلیمان (ع . م) بکری یاشندہ تختہ چیقدی . ایلک اجرا آتندن بریسی کندی برادری (آدویجا) بی خاصہ عسکرینک قوماندانی (بنایاج) واسطہ سیلہ اعدام ایتدیرمک اولدی . بونی متعاقب پدینک سرعسکری (یوعاب) ک و (شیمی) دینیلن آدمک باشلرینی پدینک وصیتی موجبجه کسدیردی . حضرت سلیمان صلح ومسالمتی حربہ ترجیح ایتک و پک محشم برسرائی طاقی ترتیب ایتمش اولقلہ برابر قدس شہرینک استحقاقاتنی ، سورلرینی تعمیر ، توسیع وتقویہ ایلہ مشدی ؛ اوردو حقندہدہ عینی اعتنائی صرف ایدیوردی . « محاربه عربلری پک چوق ایدی و بو عربلرک بارکیر لری ایچین دوت بیک آخور یلکی یابلش دی . خاصہ عسکری ۱۲ بیک سواری دن عبارت اولوب بونلردن ۶ بیک نفس قدس دہ ومتباقیسی جوار قرہ لردہ بونوردی . . [۱] »

حضرت سلیمان سوریه دوغرو اوزانان چولک مدخلنی آلدہ ایتدکن سوکره بورایہ مستحکم (تامادورا) قصبہ سنی انشا ایدی . جبل لبنان ایلہ (آماد) شہری آرسندہ الاکن بنی اسرائیل حکمدارینہ اطاعت کوستر . مہین بعض کنعانی قبائل واردی ؛ نہایت حضرت سلیمان بونلری دہ مغلوب ایدوب ہرسنہ کنڈیسینہ مہین برمقدار اسیر ویرمکہ جبر ایتمش ایدی . بو

[۱] (ژوزہ فوس - سکرنجی کتاب)

یهودا قبیله سینه منسوب، حزرارق و قانغانلرله مسلح ۲۲۰،۰۰۰ سچمه عسکری واردی . بنیامین قبیله سندن ده ۲۵۰،۰۰۰ نیراندازه مالکدی... [۱] «
(آسا) نك تخنه قعودندن اون سینه سوكره ملكتی نوبه حكمداری طرفندن اسرایلا اولندی . لکن (آسا) مسئولیلرک اوزرینه کمال شدتله هجوم ایدرک آنلری تلفات عظیمه ایله دوچار هزیمت ایتدی .

برازده اسرایلیه قراللقه عطف نظر ایدرسهك بروبعامه ده وفاتنده یرینه آنجق ایکی سنه حكومت ایدن اوغلی (ناداب) ك چیقدیغنی کوریرزه ناداب ایکی سنه حكومتدن سوكره ایندیریلوب برصورت خائسانه ده قتل ایلش بوتون عالمه سی (باشا) طرفندنه قیلیچدن کچیرلش در . باشا بعده اسرایلیه تخنه چیقهرق (فرعون) طرفندن قتل ایدیلنجیه قدر ۲۴ سنه اجرای حكومت ایتدی . باشادن سوكره اوغلی نه لاخ حكمدار اولدی . ایکی سنه اجرای حكومت ایدوب سرای کتخداسی (اوسا) ایله « سرخوش اولورکن) ینه سرایه منسوب (زیمری) طرفندن اولدیرلدی . قائل تخنه چیقدی . « زیمرك تخنه چیقنجه باشا عالمه سنی تمامیه قتل ایتدی ونه خصملرندن ، نه ده دوستلرندن صاغ برارکك برآقادی [۲] »

لکن پك آز سوكره زیمری کنديسینی اومری اسمنده دیکر برتخت وناج طالبي قارشيسنده بولش دی . (اومری) ، (زیمری) بی (تبرزا) شهرنده محاصره ایتدی . زیمری نهایت شهرک ضبط اولندیغنی کورنجه هان اسرایلیه حکمدارلرینه مخصوص سرایه کیتمش ، آکا آتش ویررک کنیدی ده آله ولر ایچنده ترك حیات ایلهمش در .

(اومری) اسرایلیه تخنه قعود ، اون ایکی سنه اجرای حكومت ایتدی . یرینه اوغلی (آهاب) کلدی . بو حکمدار صیدا (سیدون) قرالک طالیه وشدیدا الطبع قزی (جبل) ی تزویج ایتمش ایدی . بو قادیسك نفوذی ایله سیدون لیلرک معبودی اولان بعل (یعنی کونش) معبدلری بی اسرایل مالکنده انشا و تقدیس ایدلکه باشلامش ، بو پتپرستلک مذهبی اسرایلیلرک دین قدیم و ملیلرینی عادتاً تحت تهاکه به قویمن ایدی . انبیاء اسرایلیه قتل اولنیوردی . بولردن یوز دانه سی مغاره لره صانلاق سبایه بنده تخلیص حیات ایتدیلر .

معنایه دین اجدادك بوجری و متشبهت مدافعلری حکمدارک اختیار ایتدیکی بو حرکات مشئومه یه قارشى بوتون قوتلرله عصیان ایتدیلر ؛ نهایت (الیجاح) دخی مبارزه به اشترک ایدوب قرالک ظلم و عدوتنه ، قائلی زوج سناک دنائتلینه قارشى احراز غلبه و ظفر ایلهدیلر . الیجاح ، حکمدار (آهاب) ك حضورینه ایلك چیقیشنده مذهب ملی نك بویه ترکی علیه شدتله اداره لسان ایتمش و بو حرکاتک نیجه آچی ، فلاکت انکیز قوراق سنه لر صورتنده جزاسی چکیله جکفی سوبله مش دی «

مترجمی

مابعدی وار

علی رضا سیفی

افغانستانه

امیر عبدالرحمن خان

ششمی فصل

۱۲۸۷ دن ۱۲۹۸ سنه هجریه سنه قدر سمرقنده اقامت

سمرقنده اقامت اثناسنده کی ظهور ایدن وقایعی تمامیه یازمق لازم کلسه شورساله ، هیچ بر وقت ختامه رسیده اولماز . بناء علیه او وقایعدن ملتم حقدنه فائده سی اولابیلنلری تحریر ایله اکتفا ایده جکم .

[۱] (ژوزه فوس - سکرنجی کتاب - ۶ نجی باب)

[۲] کتاب الحکمداران - اون آلتنجی باب - ۱۱ نجی قهره .

بر ، روس مملکتی اولان بوشهرده اون بر سنه کچیردم . اکثر اوقاتی آته بینک و آوه کیتمکه امصار ایده ردم آخورمده اون رأس بینک آتی و اون رأس مکاری حیوانی موجود اولدیغنی کبی آماجه ، شاهین کبی شکاری قوشلرمده واردی . قویروقن طولما تفککرله مجهز بش یوز سواری بولونیوردی که بونلرک نفراتنه بشر روپیه وضابطاننه داها فضله آیلق ویرییوردم .

مصرفم زیاده اولدیغنی ایچین اولدقجه ضرورت چکیوردم . روسلرک بکا تخصیص ایتدیکی مبالغ غیر کافی ایدی . بونلکه برابر ینه ممنون ایدم . چونکه اونلردن برشی طلبنه حقم یوقدی .

روس مأمورلریله کوروشورکن تخصیصات حقدنه لاقیردی آچیلدیغی درحال بونک کفایتندن ، حتی بلااستحقاق ویریلش اولماسندن بحث ایدر :

— بکا کوستردیککنر شفقت درجه سنده جناب حق دولتکیزی پایدار بویورسون ، دیردم .

رسمی کونلرده جنرال ابراموف ایله دیکرلری بی اولرینه چاغیررلر و فوق العاده احترامده بولونورلردی . بالخاصه جنرال ابراموف پک زیاده مودت و صمیمیت کوسته ریردی . نه وقت پاره ، یا خود باشقه برشینه احتیاج حاصل اولسه ناظرم عبده خانی - که مرحوم عبدالرحیم خانک اوغلی اولوب شیمدی قتهغن و بدخشان خاکمیدر - کنديسینه کوندریر و برملاقات طلب ایدرک مقصدی بیان ایلردم .

خلاصه بکا قارشى احترامکارانه طاورانیلرر و قوانین حكومتدن مستثنی طوتارلردی . نه وقت ایسته سم کوروشمه یه کیده ردم . اونلرده آرزو ایتدکاری کبی بکا کلیرلردی .

هر آیک اون بش کونى شهرده ، متباقیسینی ده او ایچین قیرلرده کچیریدم . ایشه حیاتک اون بر سنه سی سمرقنده بوسورتله کچدی . یالکز مکدر اولدیغ بر شی واردی که اوده اسیر اولان والدم و حرم ایله اوغلم عبداللهک نه اولدقلینه دائر معلوماتم یوقدی .

سمرقنده کلشمک ایکنجی سنه سی افغانلر ایله روسلر آراسنده برمقارنت حصوله کله یه و علی شیرخان ایله روس دولتی بیننده برمودت پیدا اولمه یه باشلادی . بونک اسبابی اوکرندم :

بلخ حاکمی (محمد علم خان) بخارا امیری مظفر خان واسطه سیله جنرال ابراموفه و تورکستان والیسنه مکتوبلر یوللامش ، اونلرده فرصتدن بالاستفاده جوابلر یازمشلر .

بدایه غایت کیزی طوتولان بو حالار ، بالا آخره شیوع بولارق غزته لره یازیلدی .

سمرقنده کلدیکم ائاده بدخشان بکنک کریمه سیله تزویج ایتشدم . ایکنجی سال ازدواجده جناب حق بر ارکک اولاد احسان بویوردی . اسمنی (حبیب الله) قویدم که حالا بویوک اوغلم اولماسی طولایسیله ولی عهدمدر . [حالا افغان امیری اولان حبیب الله خان حضرتلری] اوندن ایکی سنه سوکرا براوغلم دها دنیا یه کلدی . اوکاده (نصرالله)